



სტაჟიორ-გამომძიებელთა შესარჩევი კონკურსი

sis.gov.ge

2020 წელი

რატომ უნდა აირჩიოთ სტაჟირება სახელმწიფო ინსპექტორის სამსახურში?

- გახდეთ სტაჟიორთა პირველი ნაკადის მონაწილე და თქვენი როლი შეიტანოთ სამსახურის განვითარების პროცესში;
- პროფესიონალ გამომძიებელთა გუნდთან ერთად, მიიღოთ ცოდნა და გამოცდილება, რომელიც კარიერულ განვითარებაში დაგეხმარებათ;
- დასაქმდეთ ღია კონკურსის გზით და გაიაროთ 1 წლიანი ანაზღაურებადი სტაჟირება. ანაზღაურება - დარიცხული 700 ლარი;
- 1 წლის განმავლობაში მიიღოთ რეალური გამოცდილება. სტაჟიორ-გამომძიებელის უფლებამოსილებები გათანაბრებულია გამომძიებლის უფლებამოსილებებთან;
- გაიაროთ მოსამზადებელი კურსი, ჩაერთოთ კვალიფიკაციის ამაღლების მიზნით დაგეგმილ აქტივობებში და დააგროვოთ ცოდნა, რომელსაც პრაქტიკაში გამოიყენებთ;
- სტაჟირების კონკურსი დასაქმებისა და კარიერული განვითარების რეალურ შესაძლებლობას გაძლევთ.

ვის შეუძლია კონკურსში მონაწილეობის მიღება?

კონკურსში მონაწილეობის მისაღებად კანდიდატი უნდა აკმაყოფილებდეს შემდეგ მოთხოვნებს

ძირითადი მოთხოვნები:

- უნდა იყოს საქართველოს მოქალაქე;
- უნდა იყოს 18 წლის და ზემოთ;
- უნდა ჰქონდეს უმაღლესი განათლება სამართალმცოდნეობის მიმართულებით;
- საქართველოს იუსტიციის სასწავლო ცენტრში ჩაბარებული უნდა ჰქონდეს ერთიანი საკვალიფიკაციო გამოცდა ან/და მოსამართლეობის, პროკურატურის ან ადვოკატთა საკვალიფიკაციო გამოცდა საერთო ან სისხლის სამართლის სპეციალიზაციით.



რა ეტაპების გავლა მოგიწევთ კონკურსის ფარგლებში?

ინფორმაცია
კონკურსის
ეტაპების
შესახებ

განცხადებების
მიღება/გადარჩევა

პროფესიული
ტესტირება

გასაუბრება

ტესტირება ზოგად
უნარებში

როგორ უნდა შემოიტანოთ განაცხადი?

განაცხადები მიიღება ელექტრონული ფორმით 2020 წლის 5 ოქტომბრიდან 18 ოქტომბრის ჩათვლით საჯარო სამსახურის ბიუროს ვებგვერდის მეშვეობით: www.hr.gov.ge

განაცხადში მითითებული უნდა იყოს არანაკლებ ერთი რეკომენდატორის სახელი, გვარი და საკონტაქტო ინფორმაცია. ამასთან, ქართულ ენაზე შევსებული უნდა იყოს სამოტივაციო წერილის გრაფა, რომელიც უნდა მოიცავდეს თანამდებობით დაინტერესების მიზეზს, კანდიდატის ცოდნას ან/და გამოცდილებას რითაც დასტურდება მისი შესაბამისობა მოცხადებულ ვაკანტურ პოზიციასთან.

განაცხადს უნდა ერთვოდეს:

- მოქალაქის პირადობის მოწმობის ასლი;
- უმაღლესი განათლების დამადასტურებელი დოკუმენტის ასლი;
- საქართველოს იუსტიციის სასწავლო ცენტრში ერთიანი საკვალიფიკაციო გამოცდის ჩაბარების დამადასტურებელი დოკუმენტის ან/და საერთო/სისხლის სამართლის სპეციალიზაციით პროკურატურის/მოსამართლის/ადვოკატის საკვალიფიკაციო გამოცდის ჩაბარების დამადასტურებელი დოკუმენტის ასლი;

დაინტერესებულ პირებს, რომელთაც სურთ მიიღონ მონაწილეობა სახელმწიფო ინსპექტორის სამსახურის სტაჟიორთა შესარჩევ კონკურსში, მაგრამ არ აქვთ ჩაბარებული ზემოთ დასახელებული ერთ-ერთი საკვალიფიკაციო გამოცდა, იუსტიციის სასწავლო ცენტრის მიერ მოცხადებულ ერთიან საკვალიფიკაციო გამოცდაზე რეგისტრაცია დღეიდან შეუძლიათ.

დეტალური ინფორმაციისათვის, გთხოვთ, ეწვიოთ შემდეგ ბმულს: <http://www.tcj.gov.ge/ka/news/542/>

განაცხადების
მიღება

პროფესიული ტესტი

ტესტი მოიცავს 100 ტესტურ დავალებას.

თითოეულ დავალებას ახლავს ოთხი სავარაუდო პასუხი, რომელთაგან მხოლოდ ერთია სწორი. სწორად გაცემული პასუხი ფასდება 1 ქულით, ხოლო არასწორი პასუხი - 0 ქულით.

პროფესიული ტესტირება წარმატებით გავლილად ჩაითვლება და კანდიდატი გადავა შემდეგ საფეხურზე თუ დააგროვებს 75 და მეტ ქულას.

კომენტარი: კონკურსის შემდგომ ეტაპზე გამსვლელი სატესტო ქულის ბარიერი შეიძლება შეიცვალოს საკონკურსო კომისიის მიმართვის საფუძველზე სახელმწიფო ინსპექტორის გადაწყვეტილებით.

საკონკურსო თემატიკა:

- საქართველოს კონსტიტუცია;
- ადამიანის უფლებათა და ძირითად თავისუფლებათა დაცვის 1950 წლის კონვენცია;
- კონვენცია წამებისა და სხვა სახის სასტიკი, არაადამიანური ან ღირსების შემლახველი მოპყრობის და დასჯის წინააღმდეგ;
- საქართველოს სისხლის სამართლის კოდექსი;
- საქართველოს სისხლის სამართლის საპროცესო კოდექსი;
- „ოპერატიულ-სამძებრო საქმიანობის შესახებ“ საქართველოს კანონი;
- „სახელმწიფო ინსპექტორის სამსახურის შესახებ“ საქართველოს კანონი;
- „სახელმწიფო საიდუმლოების შესახებ“ საქართველოს კანონი;
- საქართველოს ზოგადი ადმინისტრაციული კოდექსი (I, II და III თავები);
- არასრულწლოვანთა მართლმსაჯულების კოდექსი.

ზოგადი უნარების ტესტი

ტესტების რაოდენობა - 80.

თითოეულ დავალებას ახლავს ოთხი სავარაუდო პასუხი, რომელთაგან მხოლოდ ერთია სწორი. სწორად გაცემული პასუხი ფასდება 1 ქულით, ხოლო არასწორი პასუხი - 0 ქულით.

ზოგადი უნარების ტესტი წარმატებით გავლილად ჩაითვლება და კანდიდატი გადავა შემდეგ საფეხურზე თუ დააგროვებს 56 და მეტ ქულას.

კომენტარი: კონკურსის შემდგომ ეტაპზე გამსვლელი სატესტო ქულის ბარიერი შეიძლება შეიცვალოს საკონკურსო კომისიის მიმართვის საფუძველზე სახელმწიფო ინსპექტორის გადაწყვეტილებით.



რა პროფესიულ და პიროვნულ უნარ-ჩვევებს უნდა ფლობდეს კანდიდატი?



საჭირო უნარები:

- ესმის სამსახურის მისია, პროფესიული ეთიკა და საზოგადოებრივი სარგებელი;
- აქვს ეფექტური კომუნიკაციის უნარი;
- ფლობს ცვლილებებისა და სიახლეების ინიცირების უნარს;
- აქვს დამოუკიდებელი მუშაობის უნარი;
- აქვს გუნდური მუშაობის უნარი;
- ფლობს კომპლექსური აზროვნების უნარს;
- არის დეტალებზე ორიენტირებული;
- ფლობს პრობლემების ანალიზის უნარს;
- აქვს დროის ეფექტიანი მართვის უნარი;
- აქვს საქმის დაგეგმვისა და ორგანიზების უნარი;
- ფლობს ინფორმაციის შეგროვებისა და ანალიზის უნარს;
- აქვს სტრესულ სიტუაციაში მუშაობის უნარი.



მადლობა ყურადღებისთვის !

მისამართი: ქ. თბილისი, ნ. ვაჩნაძის ქ. №7

ტელეფონი: (+995 32) 242 1000

ელ. ფოსტა: office@stateinspector.ge

ვებგვერდი: sis.gov.ge